



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Aliud Elogium S. Thomæ Aquinatis.

[urn:nbn:de:hbz:466:1-77232](https://nbn-resolving.org/urn:nbn:de:hbz:466:1-77232)

ALIUD ELOGIUM S. THOMÆ AQUINATIS.



THOMAS Angelus erat, antequam esset Doctor Angelicus:
Angelorum Discipulus, & penè emulus fuit:
Multa ab Angelis didicit, quædam Angelos docere potuit.
Aut Theologiam ad terras deduxit è caelo,
Aut scivit in via quod videtur in Patria:
Audiuit Apostolus arcana verba, sed ille tacuit:
Quæ Paulo dicere non licuit, hæc Thomàs dixit:
Mysteriorum compendium est Summa Thomæ,
Collegit in ea quidquid doceri potest aut sciri:
Inclust Hieronymos, Augustinos, Ambrosios, Gregorios:
Inclust seipsum, major seipso & minor:
Epitomen fecit alienæ sapientiæ, & Summam suæ.
Didicit omnes qui Thomam intelligit,
Nec totum Thomam intelligit qui omnes didicit.
Augustinus aliquando obscurus, apud Thomam est clarus.
Vbi alij dubitant, Thomas non ambigit:
Vbi omnes desinunt, inde incipit:
Inde progressus, eò ascendit quò nemo præiverat.
Sequitur præviam fidem, & eam ducit:
Sociam facit Theologiam fidei & Magistram,
Ostendit quidquid illa credit,
Neque aliud superest nisi lumen Gloriæ, post Summam Thomæ.
De Deo loquitur quasi vidisset:
De Angelis sic disputat quasi Spiritus esset:
Ingenerat horrorem peccati dum ostendit:
Amabiles facit virtutes dum describit:
Incarnatum Verbum sic explicat quasi vox Verbi.
Siste aliquando, Thoma, peruenit ad summum Summa tua;
Ire ulterius non potest, nisi aliquid querat post omnia.

Benè scripsisti de me Thoma.

Probat scripturam hominis qui character est Patris:
Silete lingue, ubi Deus laudator;
Fallere non potest qui laudatur, dum qui laudat non fallitur.
Appellent homines Thomam Angelum Theologie,
Dicant Pontifices Summam tot miraculis constare, quot titulis;
Plus dicit una vox benè.
Christus est Verbum Patris, Thomas adverbium Filij.

Quam ergo mercedem accipies?

Quàm benè scripserit, collige ex testimonio;
Quàm benè vixerit, discè ex præmio;
Vt scias meritum virtutis, datur optio præmij;
Quid eligat nisi Deum qui novit pretium Dei?
Nec potuit eligere majus, nec debuit minus:
Male scripserat si aliter elegisset.

Accinebat olim R. P. PETRUS LABBE,
Societatis Jesu.